

Стихирные Богородичны, II приложение, глас 8

В неделю вечера, «И ныне – глас 8:

Арха́нгела Гавриила глас воспри́ймше, рцём:/
ра́дуйся, Мати Бо́жия, // Яже Жизнодавца Хри-
ста миру ро́ждши.

В понедельник утра, «И ныне – глас 8:

Небе́сная поют Тя, Обра́дованная, / Ма́ти Без-
невéстная, / и мы славословим неизследованное
Твое Рождество́, Богоро́дице, // моли спастися
ду́шам нашим.

В понедельник вечера, «И ныне – глас 8:

Ра́дуйся, вселénныя похвало́; / ра́дуйся, храме
Госпо́день; / раду́йся, горó приосенénная; /
ра́дуйся, всех прибéжище; / ра́дуйся, свéщнице
златый; / раду́йся, славо правосла́вных честна́я; /
ра́дуйся, Марие, Мати Христа Бо́га; / ра́дуйся,
раю; раду́йся, Божественная трапéзо; / раду́йся,
сене; раду́йся, рúчко всезлатáя; // раду́йся, всех
упова́ние.

Во вторник утра, «И ныне – глас 8:

Кро́в Твой, Богородице Де́во, / врачевство есть
духовное: в онь бо прибега́юще, // от душевных
недуг избавля́емся.

Стихирные Богородичны, II приложение, глас 8

В среду вечера, «И ныне – глас 8:

Аз, Дево Святая Богорóдице,/ к покрову
Твоему прибега́ю,/ вем, яко обрящу То-
бо́ю спасéние,// можеши бо, Чистая, по-
мощи́ мнѣ.

В четверток утра, «И ныне – глас 8:

Исхити мя, Влады́чице,/ рúки змия чело-
векоубийцы,/ хотяща мя лукавством по-
глотити до́ ко́нца;/ сокруши́ челюсти его,
молю́ Тя,/ и ко́зни разори́,/ яко да избыв
от ногтѣй его́,// величаю заступлѣние Твое́.

В пяток вечера, «И ныне – глас 8:

Чистая Дѣво,/ Сло́ва врата, Бога нашего
Ма́ти,// моли спасти́ся на́м.

В субботу утра, «И ныне – глас 8:

Влады́чице, прими молитвы ра́б Твои́х// и
избави нас от всякия нужды и печáли.